

四庫全書

史部

欽定四庫全書

舊五代史卷十一

宋門下侍郎參知政事監修國史薛居正等撰

梁書第十一

后妃列傳一

文惠皇太后王氏開平初追諡太祖性孝厚奉太后未嘗小失色朝夕視膳為士君子之規範帝嚴察用法無纖毫假貸太后言之帝頗為省刑

北夢瑣言梁祖父誠恭率有三子俱幼母

王氏携養寄於同縣人劉崇家昆弟之中唯溫狡猾無  
行崇母撫養之崇弟兄嘗加譴杖一日偷崇家釜而竄  
為崇追回崇母遮護之以免撲責善逐走鹿往往及而  
獲之又崇母常見其有龍蛇之異他日與仲兄存入黃  
巢軍作賊伯兄昱與母王氏尚依劉家溫既辭去不知  
存亡及溫領鎮于汴威飾與馬使人迎母于崇家王氏  
惶恐辭避深藏不之信謂人曰朱三落拓無行何處作  
賊送死焉能自致富貴汴帥非吾子也使者具陳離鄉  
去里之由歸國立功之事王氏方泣而信是日與崇母  
並迎歸汴溫盛禮郊迎人士改觀崇以舊恩位至列卿  
為商州刺史王氏以溫貴封晉國太夫人仲兄存於賊  
中為矢石所中而卒溫置酒于母歡甚語及家事謂母  
曰朱五經辛苦業儒不發一命今有子為節度使無忝  
前人矣母不憚良久謂溫曰汝致身及此信為英特然  
行誼未必如先人朱二與汝同入賊軍身死蠻獍孤男  
稚女艱食無告汝未有恤孤之心英特即有諸無取也

溫垂涕謝罪即令召諸兄子皆至  
汴友寧友倫皆立軍功位至方鎮

# 元貞皇后張氏乾化中追諡

五代會要云太祖皇后張氏早崩開平二年追封賢

妃至乾化二年十一月二十三日追冊曰元貞皇后又  
北夢瑣言云梁祖魏國夫人張氏碭山富室女父玘曾  
為宋州刺史溫時聞張有姿色私心傾慕有麝華之歎  
及溫在同州得張於兵間因以婦禮納之溫以其宿歎  
深加禮異張賢明有禮溫雖虎狼其心亦所敬伏每軍  
謀國計必先賢訪或已出師中途有所不可張氏一介  
請旋如期而至其信重如此初收宛鄆得朱瑾妻溫告  
之曰彼既無依寓於輜車張氏遣人名之瑾妻再拜張  
氏答拜泣下謂之曰宛鄆與司空同姓之國昆仲之間  
以小故尋戈致吾姁如此設不幸汴州失守妾亦似吾  
姁之今日也又泣下乃度為尼張恒給其費張既卒繼  
寵者非人及僭號後大縱朋淫骨月聚麀帷薄荒穢以

致友珪之禍起於婦人殆能以柔婉之德制豹虎之心  
如張氏者不亦賢乎 案五代會要所載內職有梁太

祖昭儀陳氏昭容李氏  
歐陽史並見家人傳

末帝德妃張氏

五代會要云少帝妃張氏乾化五年九  
月二十四日冊為德妃其夕薨 案歐

陽史次妃郭氏傳云晉天福三年詔太社先藏罪人首  
級許親屬收葬乃出末帝首遣右衛將軍安崇阮與她  
同葬之妃卒洛陽 又案五代史無外戚傳五代會要  
云梁太祖長女安陽公主降羅延規開平二年八月追  
封長樂公主降趙巖開平元年五月十一日封金華公主開  
主降昭祚王氏開平元年五月十一日封金華公主開  
平二年十月封真寧公主乾化三年十月五日封少常  
長女壽春公主乾化三年四月五日封第二女壽昌公  
主貞元元年九月二十三日封今致通鑑攷異引梁功  
臣列傳云羅延規尚安陽公主又尚金華公主是書羅

紹威傳亦載開平四年詔金華公主出家  
為尼是金華公主實歸羅氏五代會要闕載

舊五代史卷十一

舊五代史卷十一考證

梁后妃列傳一末帝德妃張氏

案龐元英文昌雜錄

云梁均王晉天福中始葬故妃張氏獨存考功員外  
商鵬為誌文曰七月有期不見望陵之妾九疑無色

空餘泣竹之妃今考五代會要德妃張氏早薨歐陽  
史次妃郭氏莊宗入宮度為尼是晉天福中尚存者

郭妃非德妃與末帝同葬者德妃非郭妃也歐陽史  
不明言同葬者為何妃文昌雜錄誤以尚存者為故



妃張氏蓋傳聞之失實也

舊五代史卷十一考證

欽定四庫全書

舊五代史卷十二

宋門下侍郎參知政事監修國史薛居正等撰

梁書第十二

宗室列傳二

廣王全昱太祖長兄受禪後封乾化元年還睢陽命內  
臣拜餞都外王出宿至于偃師仍詔其子衡王友諒侍  
從以歸庶人篡位授宋州節度使貞明二年卒

五代會  
要云全

昱贈尚書令謚德靖 五代史闕文全昱梁祖之兄也  
既受禪宮中開宴惟親王得與因為博戲全昱酒酣忽  
起取骰子擊盆迸散大呼梁祖曰朱三汝碣山一民因  
天下饑荒入黃巢作賊天子用汝為四鎮節度使富貴  
足矣何故滅他李家三百年社稷稱朕吾不忍見血洒  
血吾族笑安用博為梁祖不脫而罷臣謹案梁史廣王  
全昱傳曰昱樸野常呼帝為三宮中博戲之事諱之夫  
梁祖弑二君弑一皇后名臣被害者不可勝紀及莊宗  
即位盡誅朱氏惟全昱先令終至道初知單州有構  
廣玉之後與尼訟田者豈以一言之善獨存其嗣耶

友諒全昱子初封衡王後嗣廣王繼厯藩郡多行不法  
坐弟友能反廢囚京師唐入汴與友能友誨同日遇害  
友能全昱子封惠王後為宋滑二州留後

案友能後以  
叛廢詳見宋

帝紀又通鑑云龍紀元年夏四月陳州刺史惠王友能反舉兵趣大梁詔陝州留後霍彥威宣義節度使王彥章控鶴指揮使張漢傑將兵討之友能至陳留兵敗走還陳州諸軍圍之秋七月惠王友能降庾子詔赦其死降

封房  
陵侯

友誨全昱子封邵王乾化元年以檢校兵部尚書充控鶴指揮使坐友能反廢復為唐兵所殺

安王友寧字安仁少習詩禮長喜兵法有倜儻之風太祖鎮汴累署軍職每因出師多命統驍果以從及擒秦宗權太祖令友寧輜送宗權西獻于長安詔加檢校右

散騎常侍行右監門衛將軍自是繼立軍功累官至檢校司空兼龔柳二州刺史太祖駐軍岐下遣友寧領所部兵先歸梁苑以備守禦屬青帥王師範搆亂以關東諸兵悉在岐隴欲乘虛竊發自齊魯至于華下羅布姦黨皆詐以委輸貢奉為名陰與淮夷并門結好會有青人詣裴迪言其狀迪以事告友寧不俟命乃率兵萬餘人東討師範遣其弟將兵圍齊州友寧引兵救之青寇大敗奪馬四千蹄斬首數千級及昭宗歸長安朝廷議

迎駕功友寧授嶺南西道節度使加特進檢校司徒賜  
號迎鑿毅勇功臣時青寇數千越嶮潛伏欲入兗州友  
寧知之伏兵于兗南邀之大破賊衆竟無免者自是兗  
壁危窘友寧督諸軍進逼營兵首攻博昌縣月餘未能  
拔太祖怒遣劉捍督戰友寧乃下俘民衆十餘萬各領  
負木石牽牛驢于城南為土山既至合人畜木石排而  
築之宛枉之聲聞數十里俄而城陷盡屠其邑人清河  
為之不流及進迫寇壘與清人戰于石樓王師小却友

寧旁自峻阜馳騎以赴敵所乘馬蹶而仆遂没于陣友  
寧將戰之前日有大白蛇蟠于帳中友寧心惡之既而  
果遇禍焉

密王友倫幼聰悟喜筆札曉聲律及長好騎射有經度  
之智太祖每奇之曰吾家千里駒也年十九為宣武軍  
校景福初充元從騎軍都將尋表為右武衛將軍漸委  
戎事太祖征交鄆友倫勒所部兵收聚糧穀以濟軍須  
幽滄軍至內黃友倫前鋒夜渡河擊賊奪馬千匹擒斬

甚衆因引兵往八議關卒逢晉軍萬餘騎友倫乃分布  
兵士多設疑軍因聲鼓誓衆士伍奮躍追斬數十里其  
後李罕之請以上黨來歸為晉軍所圍太祖遣友倫總  
步騎數萬越嶮救應遂大破晉軍唐朝加檢校司空守  
滕州刺史天復元年岐隴用兵晉人乘虛侵于北鄙友  
倫率徒兵三萬徑往礬山晉人望塵奔逸友倫與氏叔  
琮等躡其轍追至太原摩壘挑戰獲牛馬萬餘二年領  
所部兵西赴鳳翔前後累接戰三年昭宗歸長安制授



友倫寧遠軍節度使檢校司徒賜號迎鑾毅勇功臣及  
太祖東歸留友倫宿衛京師歲餘因會賓擊鞠墜馬而  
卒昭宗輟視朝一日詔贈太傅歸葬于碭山縣開平初  
有司上言曰東漢受命伯升預其始謀西周尚親叔虞  
荷其封邑故皇兄存凋零霜露綿厯歲時恩莫逮于陟  
岡禮方弘于事日皇姪故邕州節度使友寧故容州節  
度使友倫頃因締構俱習韜鈴竝以戰功歿于王事永  
言帶礪合議封崇于是存追封朗王友寧追封安王友

倫追封密王

柳王友裕字端夫太祖長子也幼善射御從太祖征伐性寬厚頗得士心唐中和中太祖會并帥李克用攻圍華州賊將黃鄴固守甚堅俄有一人登陴大詈克用令胡騎連射終不能中命友裕射之應弦而斃大軍喜噪聲震山谷克用因以良弓百矢遣焉太祖鎮汴表為宣武軍牙校及蔡賊殄滅朝廷議功加檢校左僕射尋為牙內馬步都指揮使景福元年總大軍伐徐時朱瑾領

充邽之衆為徐戎外援陣于彭門南石佛山下友裕縱  
兵擊之斬獲甚衆瑾領殘黨宵遁時都虞候朱友恭羽  
書聞于太祖誣友裕按兵不追賊太祖大怒因馳驛傳  
符令裨將龐師古代友裕為帥仍令按劾其事會使人  
誤致書于友裕友裕懼遂以數騎遁于山中尋詣廣王  
于輝州以訴其冤賴元貞皇后聞之令東身歸身歸汴  
力為營救太祖乃捨之令權知許州乾寧二年加檢校  
司空尋為武寧軍節度使留後四年太祖下東平改平

平軍留後加檢校司徒光啓元年再領許州天復初為  
奉國軍節度留後太祖兼鎮河中以友裕為護留後尋  
遷華州節度使加檢校太保興德尹天祐元年七月兼  
行營都統領步騎數萬經畧邠岐十月友裕有疾將校  
乃謀旋師尋卒于梨園歸葬東京開平初追贈柳王乾  
化三年又贈太師

博王友文本姓康名勤太祖養以為子受禪後封為王

案下有  
闕文

為東京留守嗜酒頗急于為政友珪弑逆竝殺

友文末帝即位盡復官爵

友珪小字遙喜母失其姓本亳州營妓也唐光啓中帝  
徇地亳州召而侍寢月餘將捨之而去以娠告是時元  
貞皇后賢而有寵帝素憚之由是不果攜歸大梁因留  
亳州以別宅貯之及期妓以生男來告帝喜故字之曰  
遙喜後迎歸汴受禪後封郢王開平四年十月為檢校  
司徒充左右控鶴都指揮使兼營四蕃將軍乾化元年  
充諸軍都虞候二年弒太祖篡位均王以兵討之自殺

追廢為庶人

五代會要云鄧王友珪開平元年五月九日封至乾化二年六月三日篡位偽改鳳

應二年三月十七日京師軍亂侍衛象先先率兵入宮友珪自殺少帝即位追削為庶人又載周廣順中張昭修實錄奏云梁末帝之上有鄧王友珪篡弒君位未有紀錄請依宋書劉卽例書為元凶友珪案梁實錄令無考

福王友璋太祖第五子受禪後封

賀王友雍太祖第六子受禪後封

建王友徽太祖第七子受禪後封

康王友徽太祖第八子末帝卽位後封以反誅

舊五代史卷十二

舊五代史卷十二考證

梁宗室列傳二友誨傳後為唐兵所殺 案王禹偁五代史闕文莊宗即位盡誅朱氏是書與歐陽史俱同惟通鑑云梁王召友誨與其兄友諒友能並幽于別第及唐師將至梁主疑諸兄弟乘危謀亂并皇弟賀王友雍建王友徽盡殺之未知所據

宋王友倫傳因引兵往八議闕 案八議原本訛作八識今據通鑑改正



于是存追封朗王友寧追封安王友倫追封密王 案  
五代會要開平二年追封皇從子友寧為安王友倫  
為密王四年追封皇兄存為朗王據是書作一時並  
封未知孰是

柳王友裕傳遂以數騎遁于山中 案數騎通鑑作二  
千騎歐陽史與是書同

康王友孜傳 案友孜通鑑及五代會要作友敬惟歐  
陽史與是書同



舊五代史卷十二考證

欽定四庫全書

舊五代史卷十三

宋門下侍郎參知政事監修國史薛居正等撰

梁書第十三

列傳第三

朱瑄宋州下邑人也父慶里之豪右以攻剽販鹽為事  
吏捕之伏法瑄坐父罪以笞免因入王敬武軍為小校  
唐中和二年諫議大夫張濬徵兵于青州敬武遣將曹

全晟率軍赴之以瑄隸焉以戰功累遷列校賊敗出關  
全晟以本軍還鎮會鄆帥薛崇卒部將崔君預據城叛  
全晟攻之殺君預自為留後瑄以功授濮州刺史鄆州  
馬步軍都將光啓初魏博韓元中攻鄆全晟為其所害  
瑄據城自若三軍推為留後元中敗朝廷以瑄為天平  
軍節度使累加官至檢校太尉同平章事太祖初鎮大  
梁兵威未振連歲為秦宗權所圍士不解甲危殆日數  
四太祖以瑄同宗早兄事之乃遣使求援于瑄光啓末

宗權急攻大梁瑄與弟瑾率兗鄆之師來援大破蔡賊  
解圍而遁太祖感其力厚禮以歸之先是瑄瑾駐于大  
梁覩太祖軍士驍勇私心愛之及歸厚懸金帛于界上  
以誘焉諸軍貪其厚利私遁者甚衆太祖移牒以讓之  
瑄來辭不遜由是始構隙焉及秦宗權敗太祖移軍攻  
時溥于徐州時瑄方右溥乃遣使來告太祖曰巢權繼  
為蛇虺毒螫中原與君把臂同盟輔車相依今賊已  
平殄人粗聊生吾弟宜念遠圖不可自相魚肉或行人

之失辭疆吏之踰法可以理遣未得便睽和好投鼠忌  
器弟幸思之太祖方怒時溥通于孫儒不從其言及龐  
師古攻徐州瑄出師來援太祖深銜之徐既平太祖併  
兵以攻鄆自景福元年冬遣朱友裕領軍渡濟至寧  
三年宿軍齊鄆間大小凡數十戰語在太祖紀中自是  
野無人耕屬城悉為我有瑄乃使人求救于太原李克  
用遣其將李承嗣史儼等援之尋為羅弘信所扼援畧  
既絕瑄瑾竟敗乾寧四年正月龐師古攻陷鄆州遁至

中都北匿于民家為其所箠并妻榮氏擒之來獻俱斬于汴橋下

朱瑾瑄從父弟雄武絕倫性頗殘忍光啓中瑾與兗州節度使齊克讓婚瑾自鄆盛飾車服私藏兵甲以赴禮會親迎之夜甲士竊發擄克讓自稱留後及蔡賊鵠張瑾與太祖連衡同討宗權前後屢捷以功正授兗州節度使既得士心有兼并天下之意太祖亦忌之瑾以厚利招誘太祖軍士以為間諜及太祖攻鄆瑾出師來援



累與太祖接戰乾寧二年春太祖令大將朱友恭攻瑾掘塹柵以環之朱瑄遣將賀瓌及蕃將何懷寶赴援為友恭所擒十一月瑾從兄齊州刺史瓊以州降太祖令執賀瓌懷寶及瓊以徇于城下語曰卿兄已敗早宜效順瑾偽遣牙將瑚兒持書幣送降太祖自至延壽門外與瑾交語瑾謂太祖曰欲令大將送符印願得兄瓊來押領所貴骨肉盡布腹心也太祖遣將與客將劉捍取符笥瑾單馬立于橋上揮手謂捍曰可令兄來余有密

欵卽令瓊往瑾先令騎士董懷進伏于橋下及瓊至懷  
進突出擒瓊而入俄而斬瓊首投于城外太祖乃班師  
及鄆州陷龐師古乘勝攻兗瑾與李承嗣方出兵求芻  
粟于豐沛間瑾之二子及大將康懷英判官辛綰小校  
閻實以城降師古瑾無歸卽與承嗣將麾下士將保沂  
州刺史尹處賓拒闕不納乃保海州為師古所迫遂擁  
州民渡淮依楊行密行密表瑾領徐州節度使龐師古  
渡淮行密令瑾率師以禦之清口之敗瑾有力焉自是

瑾率淮軍連歲北寇徐宿大為東南之患及行密卒子  
渭繼立以徐溫子知訓為行軍副使罷遇頗深後楊溥  
僭號知訓為樞密使知政事以瑾為同平章事仍督親

軍時徐溫父子恃寵專政慮瑾不附已

陳彭年江南別錄云徐知訓初

學兵法于朱瑾瑾悉心教之後與瑾有隙  
夜遣壯士殺瑾瑾手及數人埋于舍後

貞明四年六

月出瑾為淮寧軍節度使知訓設家宴以餞瑾瑾事之

愈遜翼日詣知訓第謝畱門久之知訓家僮私謂瑾曰

政事相公此夕在白牡丹妓院侍者無得往瑾謂典謁

曰吾不奈朝餓且歸既而知訓聞之愕然曰晚當過瑾  
瑾厚備供帳瑾有所乘名馬冬以錦帳貯之夏以羅幃  
護之愛妓桃氏有絕色善歌舞及知訓至奉卮酒為壽  
初以名馬奉知訓喜而言曰相公出鎮與吾暫別離恨  
可知願此盡歡瑾即延知訓于中堂出桃氏酒既醉瑾  
斬知訓首示其部下馬令南唐書云知訓因求馬于瑾  
瑾不與遂有隙俄出瑾為靜淮節  
度使瑾詣知訓別且願獻前馬知訓喜往謁瑾  
家瑾妻出拜知訓答拜瑾以笏擊踏遂斬知訓因其  
衆急趨衙城知訓之黨已闔門矣唯瑾得獨入與衙兵

戰復踰城而出傷足求馬不獲遂自刎暴其屍于市盛  
夏無蠅蛆徐溫令投之于江部人竊收葬之溫疾亟夢

瑾被髮引滿將射之溫乃為之禮葬立祠祭之

馬令南唐書云

初宿衛將李球馬謙挾楊隆演登樓取庫兵以誅知訓  
陣于門楊知訓與戰頻却朱瑾適自外來以一騎前視  
其陣曰不足為也因反顧一麾外兵爭進遂斬球謙亂  
兵皆潰瑾嘗有德于知訓者也及其凶終吳人皆謂曲  
在知訓五代史補朱瑾之奔淮南也時行密方圖霸  
其為禮待有加于諸將數等瑾感行密見知欲立奇功  
為報但憾無入陣馬忽忽不樂一日晝寢夢老雙眉髮  
皓然謂瑾曰君長憾無入陣馬令馬生矣及廐隸報適  
退槽馬生一駒見卧未能起瑾驚曰何應之速也行往  
視之見骨目皆非常馬大喜曰事辦矣其後破杜洪取

鍾傳未嘗不得力焉初瑾之來也徐溫觀其英烈深忌之故瑾不敢預政及行密死子溥嗣位溫與張鎰爭權襲殺鎰自是事無大小皆決于溫既而溫復為自安之計乃以子知訓自代然後引兵出居金陵實欲控制中外知訓猶恣橫瑾居常嫉之一旦知訓欲得瑾所乘馬瑾怒遂擊殺知訓提其首請溥起兵誅溫溥素怯懦見之掩面而走瑾曰老婢兒不足為計亦自殺中外大駭且懼溫至遽以瑾屍暴之市中時盛暑肌肉累日不壞至青蠅無敢輒泊人有病者或于暴屍處取土而煎服之無不愈

時溥徐州人初為州之驍將唐中和初秦宗權據蔡州  
侵寇隣藩節度使支詳命溥帥師以討之徐軍屢捷

情歸順以節鉞授之

舊唐書列傳時溥彭城人徐之將黃巢據長安詔徵天下兵進

中和二年武寧軍節度使支詳遣溥與副將陳璠率  
五千赴難行至河陰軍亂剽河陰縣迴溥招合撫諭  
衆復集懼罪屯于境上詳遣人迎犒悉恕之溥乃移  
向徐州既入軍人大呼推溥為留後送詳于大彭館  
大出資裝遣陳璠援詳歸京詳宿七里亭其夜為璠所  
殺舉家屠害溥以璠為宿州刺史竟以違命殺詳溥誅  
璠又令別將帥軍三千赴難京師天子還宮授之節鉞  
及黃巢攻陳州秦宗權據蔡州與賊連結徐蔡相近溥  
出師討之軍鋒益盛每戰屢捷黃巢之敗也其將尚讓  
以數千人降溥俊林言又斬黃巢首歸徐州時溥功名  
第一詔授檢校太尉中書令鉅鹿郡王宗權未平仍授  
溥徐州行營兵馬都統蔡賊平朱全忠與之爭功遂相  
嫌怨淮南亂朝廷以全忠遙領淮南節度以平孫儒行  
密之亂汴人應援路出徐方溥阻之全忠怒出師攻徐  
自光啓至大順六七年間汴軍四集徐泗三郡民無耕  
稼頻歲水災人聚十六七溥窘蹙求和于汴全忠曰移

鎮則可朝廷以尚書劉崇望代溥以溥為太子太師溥懼出城見害不受代汴將龐師古城兵于野溥求援于兖州朱瑾出兵救之值大雪糧盡而還城中守陴者飢甚加之疾疫汴將王重師牛存節夜乘梯而入溥與妻子登樓自焚而卒實景福二年也地入于汴

王師範青州人父敬武初為平盧牙將唐廣明元年無棣人洪霸郎合羣盜于齊棣間節度使安師儒遣敬武討平之及巢賊犯長安諸藩擅易主帥敬武乃逐師儒自為留後王鐸承制授以節鉞後以出師勤王功加太尉平章事龍紀中敬武卒師範年幼三軍推之為帥棣



州刺史張蟾叛于師範不受節度朝廷乃以崔安潛為平  
盧帥師範拒命張蟾迎安潛至郡同討師範師範遣將  
盧弘將兵攻蟾弘復叛與蟾通謀偽旋軍將襲青州師  
範知之遣重賂迎弘謂之曰吾以先人之故為軍府所  
推年方幼少未能幹事如公以先人之故令不乏祀公  
之仁也如以為難與成事乞保首領以守先人墳墓亦  
唯命弘以師範年幼必無能為不為之備師範伏兵要  
路迎而享之預謂紀綱劉剝曰翼日盧弘至爾即斬之

酬爾以軍校鄆如其言斬弘于座上及同亂者數人因  
戒厲士衆大行頒賞與之誓約自率之以攻棣州擒張  
蟾斬之安潛遁還長安師範雅好儒術少負縱橫之學  
故安民禁暴各有方畧當時藩翰咸稱之及太祖平充  
鄆遣朱友恭攻之師範乞盟遂與通好天復元年冬李  
茂貞劫遷車駕幸鳳翔韓全誨矯詔加罪于太祖令方  
鎮出師赴難詔至貴州師範承詔泣下曰吾輩為天子  
藩籬君父有難畧無奮力者皆強兵自衛縱賊如此使

上失守宗祧危而不持是誰之過吾今日成敗以之乃  
發使通楊行密遣將劉鄩襲兗州別將襲齊時太祖方  
圍鳳翔師範遣將張居厚部輿夫二百言有獻于太祖  
至華州城東華將婁敬思疑其有異部輿視之乃兵仗  
也居厚等因呼殺敬思聚衆攻西城時崔胤在華州遣  
部下閉關拒之遂遁去是日劉鄩下兗州河南數十郡  
同日發太祖怒遣朱友寧率軍討之既而友寧為青軍  
所敗臨陣被擒傳首于淮南天復三年七月太祖復令

楊師厚進攻屯于臨朐師厚屢敗青軍遂進寨于城下  
師範懼乃令副使李嗣業詣師厚乞降太祖許之歲餘  
遣李振權典青州事因令師範舉家徙汴師範將至縞  
素乘驢請罪于太祖太祖以禮待之尋表為河陽節度  
使會韓建移鎮青州太祖帳餞于郊師範預焉太祖謂  
建曰公頃在華陰政事之暇省覽經籍此亦士君子之  
大務今之青土政簡務暇可復修華陰之故事建撝謙  
而已太祖又曰公讀書必須精意勿錯用心太祖以師

範好儒前以青州叛故以此言譏之及太祖即位徵為金吾上將軍開平初太祖封諸子為王友寧妻號訴于太祖曰陛下化家為國人人皆得封崇妾夫早預艱難粗立勞効不幸師範反逆亡夫橫屍疆場冤讎尚在朝廷受陛下恩澤亡夫何罪太祖淒然淚下曰幾忘此賊即遣人族師範于洛陽先掘坑于第側乃告之其弟師誨兄師悅及兒姪二百口咸盡戮焉時使者宣詔訖師範盛啓宴席令昆仲子弟列座謂使者曰死者人所不

能免况有罪乎然予懼坑屍于下少長失序有愧于先  
人行酒之次令少長依次于坑所受戮人士痛之後唐  
同光三年三月詔贈太尉

劉知俊字希賢徐州沛縣人也姿貌雄傑倜儻有大志  
始事徐帥時溥為列校溥甚器之後以勇畧見忌唐太  
順二年冬率所部二千人來降即署為軍校知俊披甲  
上馬輪劍入敵勇冠諸將太祖命左右義勝兩軍隸之  
尋用為左開道指揮使故當時人為之劉開道後討秦

宗權及攻徐州皆有功尋補徐州馬步軍都指揮使攻海州下之遂奏授刺史天復初歷典懷鄭二州從平青州以功奏授同州節度使天祐三年冬以兵五千破岐軍六萬于美原自是連克鄜延等五州乃加檢校太傅平章事開平二年春三月命為潞州行營招討使知俊未至潞夾寨已陷晉人引軍方攻澤州聞知俊至乃退尋改西路招討使六月大破岐軍于幕谷俘斬千計李茂貞僅以身免三年五月加檢校太尉兼侍中封大彭

郡王時知俊威望益隆太祖雄猜日甚會佑國軍節度

使王重師無罪見誅知俊居不自安乃據同州叛

錄鑒戒云

彭城王劉知俊鎮同州日因築營塙掘得一物重八十餘片狀若油囊台賓幕將校問之劉源曰此是冤氣所結古來固國之地或有焉昔王充據洛陽修河南府獄亦獲此物源聞酒能忘憂莫以醕醪或可消釋耳然此物之出亦非吉徵也知俊命具酒饌祝酹復瘞之尋有叛城背主之事

送款于李茂貞又

分兵以襲雍華雍州節度使劉捍被擒送鳳翔害之華州蔡敬思被傷獲免太祖聞知俊叛遣近臣諭之曰朕待卿甚厚何相負耶知俊報曰臣非背德但畏死耳王



重師不負陛下而致族滅太祖復遣使謂知俊曰朕不料卿為此昨重師得罪蓋劉捍言陰結郅鳳終不為國家用我今雖知枉濫悔不可追致卿如斯我心恨恨蓋劉捍誤于事也捍一死固未塞責知俊不報遂分兵以守潼關太祖命劉鄩率兵進討攻潼關下之時知俊弟知浣為親衛指揮使聞知俊叛自洛奔至潼關為鄩所擒害之尋而王師繼至知俊乃舉族奔于鳳翔李茂貞厚待之偽加檢校太尉兼中書令以土疆不廣無藩鎮

以處之但厚給俸祿而已尋命率兵攻圍靈武且圖收  
圍之地靈武節度使韓遜遣使來告急太祖令康懷英

率師救之師次邠州長城嶺為知俊邀擊懷英敗歸

九國

志云李彥琦劉知俊自靈武班師塗經長城嶺梁師率  
精銳數萬躡其後彥琦與知俊同設方畧擊敗之

茂貞悅署為涇州節度使復命率眾攻興元進圍西縣

會蜀軍救至乃退

九國志王宗鑑傳云岐將劉知俊等  
領大軍分路來攻由階成路奪固鎮

糧王宗侃唐襲等禦之至青泥嶺為知俊所敗退保西  
縣會大雨漢江漲宗鑑自羅村得卿導緣山而行數百  
里與宗播遇于鐵谷合軍出湯頭時知俊自斜谷山南  
直抵興州圍西縣軍人散掠巴中宗鑑與宗播襲之會

王建亦至遂既而為茂貞左右石簡顥等間之免其軍

解西縣之圍

政寓于岐下掩關歷年茂貞猶子繼崇鎮秦州因來寧  
覲言知俊途窮至此不宜以讒嫉見疑茂貞乃誅簡顥  
等以安其心繼崇又請令知俊挈家居秦州以就豐給  
茂貞從之未幾邠州亂茂貞命知俊討之時邠州都校  
李保衡納款于朝廷末帝遣霍彥威率衆先入于邠知  
俊遂圍其城半載不能下會李繼崇以秦州降于蜀知  
俊妻孥皆遷于成都遂解邠州之圍而歸岐陽以舉家

入蜀終慮有忌因與親信百餘人夜斬關奔蜀王建待之甚至即授偽武信軍節度使尋命將兵伐岐不克班師因圍隴州獲其帥桑弘志以歸久之復命為都統再領軍伐岐時部將皆王建舊人多違節度不成功而還蜀人因而毀之先是王建雖加寵待然亦忌之嘗謂近侍曰吾漸衰耗恒思身後劉知俊非爾輩能駕馭不如早為之所又嫉其名者于里巷間作謠言云黑牛出園椶繩斷知俊色黔而且生椶繩者王氏子孫皆以宗承

為名故以此構之偽蜀天漢元年冬十二月建遣人捕知俊斬于成都府之炭市及王衍嗣偽位以其子嗣裡尚偽峨眉長公主拜駙馬都尉後唐同光末隨例遷于洛卒知俊族子嗣彬幼從知俊征行累遷為軍校及知俊叛以不預其謀得不坐貞明末大軍與晉王對壘于德勝久之嗣彬率數騎奔于晉具言朝廷軍機得失又以家世讎怨將以報之晉王深信之即後給田宅仍賜錦衣玉帶軍中目為劉二哥居一年復來奔當時晉人

謂是刺客以晉王恩澤之厚故不竊發龍德三年冬從王彥章戰于中都軍敗為晉人所擒晉王見之笑謂嗣彬曰爾可還予玉帶嗣彬惶恐請死遂誅之

楊崇本不知何許人幼為李茂貞之假子因冒姓李氏名繼徽唐光化中茂貞表為邠州節度使天復元年冬太祖自鳳翔移軍北伐駐旆于邠郊命諸軍攻其城崇本懼出城請降太祖復置為邠州節度使仍令復其本姓名焉及師還遷其族于河中其後太祖因統戎往來

由于蒲津以崇本妻素有姿色嬖之于別館其婦素剛烈私懷愧耻遣侍者讓崇本曰丈夫擁旄伏鉞不能庇其伉儷我已為朱公婦今生無面目對卿期于刀繩而已崇本聞之但灑淚忿怒又昭宗自鳳翔回京崇本之家得歸邠州崇本恥其妻見辱因茲復貳于太祖乃遣使告茂貞曰朱氏兆亂謀危唐祚父為國家盤石不可坐觀其禍宜于此時畢命興復事苟不濟死為社稷可也茂貞乃遣使會兵于太原時四川王建亦令大將出

師以助之岐蜀連兵以攻雍華關西大震太祖遣柳王友裕帥師禦之會友裕卒于行乃班師天祐三年冬十月崇本復領鳳翔邠涇秦隴之師會延州胡章之衆合五六萬屯于美原列柵十五其勢甚盛太祖命同州節度使劉知俊及康懷英帥師拒之崇本大敗復歸于邠州自是垂翅久之乾化元年冬為其子彥魯所毒而死彥魯自稱畱後領其軍事凡五十餘日為崇本養子李保衡所殺保衡舉其城來降末帝命霍彥威為邠帥由



是邠寧復為末帝所有

蔣殷不知何許人幼孤隨其母適于河中節度使王重  
盈之家重盈憐之畜為己子唐天復初太祖既平蒲陝  
殷與從兄珂舉族遷于大梁太祖感王重榮之舊恩凡  
王氏諸子皆錄用焉殷由是繼歷內職累遷至宣徽院  
使殷素與庶人友珪善友珪篡立命為徐州節度使乾  
化三年秋末帝以福王友璋鎮徐方殷自以為友珪之  
黨懼不受代遂堅壁以拒命時華州節度使王瓚殷之

從弟也懼其連坐上章言殷本姓蔣非王氏之子也未  
帝乃下詔削奪殷在身官爵仍令却還本姓命牛存節  
劉鄩等帥軍討之是時殷求救于淮南楊溥遣朱瑾率  
衆來援存節等逆擊敗之貞明元年春存節劉鄩攻下  
徐州殷舉族自燔于火中得其屍梟首以獻之

張萬進雲州人初為本州小校亡命投幽州劉守光厚  
遇之任為裨將滄州劉守文以弟守光囚父而竊據其  
位自領兵問罪尋敗于鷄蘇守光遂兼有滄景之地令

其子繼威主留務繼威年幼未能政事以萬進佐之凡

關軍政一皆委任繼威凶虐類父嘗淫亂于萬進之家

萬進怒而殺之

通鑑云乾化二年九月庚子萬進遣使奉表降于梁辛丑以萬進為義昌留後

甲辰改義昌為順化軍以萬進為節度使此傳疑有關文又遣使歸于晉既而末帝

遣楊師厚劉守奇潛兵掠鎮冀因東攻滄州萬進懼乞

降師厚表青州節度使俄遷兗州仍賜名守進萬進性

既輕險專圖反側貞明四年冬據城叛命遣使送款于

晉王末帝降制削其官爵仍復其本名遣劉鄩討之晉

人不能救五年冬萬進危蹙小將邢師遇潛謀內應開門以納王師遂拔其地萬進族誅

史臣曰夫雲雷構屯龍蛇起陸勢均者交鬪力敗者先亡故瑄瑾時溥之流皆梁之吞噬斯亦理之常也唯瑾始以竊發有土終以竊發亡身傳所謂君以此始必以此終者乎師範屬衰季之運以興復為謀事雖不成忠則可尚雖貽族滅之禍亦可以興臧洪遊于地下矣知俊驍武有餘奔亡不暇六合雖大無所容身夫如是則

豈若義以為勇者乎宗本而下俱以叛滅又何足以道哉

舊五代史卷十三

舊五代史卷十三考證

梁列傳三朱瑄傳敬武遣將曹全晟 案新唐書及通

鑑俱作曹存實舊唐書歐陽史與是書同

部將崔君預據城叛全晟攻之 案舊唐書韓簡傳云

曹全晟為簡所敗死之鄆將崔君裕收合殘衆保鄆

州朱瑄傳云崔君裕權知州事全晟知其兵寡襲君

裕據韓簡傳則全晟死而君裕保其城據朱瑄傳則

君裕為全晟所殺二傳自相矛盾是書從朱瑄傳又

君預諸史俱作君裕

光啓初魏博韓允中攻鄆 案新唐書作中和初魏博  
韓簡東窺曹鄆考舊唐書韓允中傳乾符元年十一  
月卒子簡起復為節度觀察留後新唐書本紀亦云  
是考鄆者韓簡非允中也通鑑作中和二年韓簡擊  
鄆州當得其實是書訛作允中與諸史年月姓氏舛  
異

朱瑾傳瑾從兄齊州刺史瓊以州降 齊州原本作濟

州據通鑑及北夢瑣言改正

瑾之二子 案新唐書作瑾子用貞

刺史尹處賓 案新唐書作尹懷賓

出瑾為淮寧軍節度使 淮寧原本作懷寧據九國志

改正

愛妓姚氏 案九國志作妻陶氏

王師範傳棣州刺史張蟾叛于師範 張蟾原本作張

儋今據新唐書改正



劉知俊傳尋用為左開道指揮使 開道原本作關道  
今據歐陽史改正

楊崇本傳乾化元年 崇原本作乾化四年今據歐陽  
史改正

張高進傳仍賜名守進 守進原本作方進今據本紀  
改正

舊五代史卷十三考證

欽定四庫全書

舊五代史卷十四

宋門下侍郎參知政事監修國史薛居正等撰

梁書第十四

列傳四

羅紹威

舊唐書云紹威字端已

魏州貴鄉人父弘信本名宗弁初

為馬牧監事節度使樂彥貞光啓末彥貞子從訓驕盈  
太橫招聚兵甲欲誅牙軍牙軍怒聚譟攻之從訓出據

相州牙軍廢彥貞囚于龍興寺逼令為僧尋殺之推小  
校趙文建為留後先是弘信自言于所居過一白鬚翁  
謂之曰爾當為土地主如是者再心竊異之既而文建  
不洽軍情牙軍聚呼曰孰願為節度使者弘信即應曰  
白鬚翁早以命我可以君長爾曹唐文德元年四月牙  
軍推弘信為留後朝廷聞之即正授節旄乾寧中太祖  
急攻兗鄆朱瑄求援于太原時李克用遣大將李存信  
率師赴之假道于魏屯于莘縣存信御軍無法稍侵魏

之芻牧弘信不平之太祖因遣使謂弘信曰太原志吞河朔迴戈之日貴道堪憂弘信懼乃歸款于太祖仍出師三萬攻李存信敗之未幾李克用領兵攻魏營于觀音門外屬邑多拔太祖遣葛從周援之戰于洹水擒克用男落落以獻太祖令送于弘信斬之晉軍乃退是時太祖方圖克鄆慮弘信離貳每歲時賂遺必卑辭厚禮弘信每有答貺太祖必對魏使北面拜而受之曰六兄比予有倍年之長兄弟之國安得以常隣遇之故弘信

以為厚已其後弘信累官至檢校太尉封臨清王光化

元年八月薨于位紹威襲父位為留後

舊唐書云紹威自文德初授左

散騎常侍充天雄軍節度副使自龍紀至乾寧十年之中累加官爵

朝廷因而命之尋正

授旄鉞累加檢校太尉兼侍中封長沙郡王昭宗東遷

命諸道修洛邑紹威獨營太廟制加守侍中進封鄴王

初至德中田承嗣盜據相魏澶博衛貝等六州召募軍

中子弟置之部下號曰牙軍皆豐給厚賜不勝驕寵年

代寢遠父子相襲親黨膠固其凶戾者強賈豪奪踰法

犯令長吏不能禁變易主帥有同兒戲自田氏以後垂  
二百年主帥廢置出于其手如史憲誠何全皞韓君雄  
樂彥貞皆為其所立優獎小不如意則舉族被誅紹威  
懲其往弊雖以貨賂姑息而心銜之紹威嗣世之明年  
正月幽州劉仁恭擁兵十萬謀亂河朔進陷貝州長驅  
攻魏紹威求援于太祖太祖遣李思安援之屯于洹水  
葛從周自邢洛引軍入魏州燕將劉守文單可及與王  
師戰于內黃大敗之乘勝追躡會從周亦出軍掩擊又

敗燕軍斬首三萬餘級三年紹威遣使會軍同攻滄州以報之自是紹威感太祖援助之恩深加景附紹威見唐祚衰凌羣雄交亂太祖兵強天下知必有禪代之志故傾心附結贊成其事每慮牙軍變易心不自安天祐初州城地無故自陷俄而小校李公佺謀變紹威愈懼乃定計圖牙軍遣使告太祖求為外援太祖許之遣李思安會魏博軍再攻滄州先是安陽公主薨于魏太祖因之遣長直軍校馬嗣勳選兵千人伏兵仗于巨橐中

肩昇以入魏州言助女葬事天祐三年正月五日太祖  
親率大軍濟河聲言視行營于滄景牙軍頗疑其事是  
月十六日紹威率奴客數百與嗣勲同攻之時宿于牙  
城者千餘人遲明盡誅之凡八千家皆赤其族州城為  
之一空翼日太祖自內黃馳至鄴時魏軍二萬方與王  
師同圍滄州聞城中有變乃擁大將史仁遇保于高唐  
六州之內皆為勍敵太祖遣諸將分討之半歲方平自  
是紹威雖除其偏然尋有自弱之悔不數月復有孚陽



之後紹威飛輓饋運自鄴至長蘆五百里疊跡重軌不絕于路又于魏州建元帥府署沿道置亭候供牲牢酒備軍幕什器上下數十萬人一無闕者及太祖迴自長蘆復過魏州紹威乘間謂太祖曰邠岐太原終有狂譎之志各以興復唐室為詞王宜自取神器以絕人望天與不取古人所非太祖深感之及登極加守太傅兼中書令賜號扶天啓運竭節功臣車駕將入洛奉詔重修五鳳樓朝元殿巨木良匠非當時所有脩架于地汧流

西立于舊址之上張設絺繡皆有副馬太祖甚喜以寶帶名馬賜之先是河朔三鎮司管鑰備洒掃皆有閹人紹威曰此類皆宮禁指使豈人臣家所宜畜也因搜獲三十餘輩盡以來獻太祖嘉之開平中加守太師兼中書令邑萬戶紹威嘗以臨淄海岱罷兵歲久儲庾山積惟京師軍民多而食益寡願于太行伐木下安陽淇門斷船三百艘置水運自大河入洛口歲漕百萬石以給宿衛太祖深然之會紹威遘疾革遣使上章乞骸骨太

祖撫案動容顧使者曰亟行語而主為我強飯如有不可諱當世世貴爾子孫以相報也仍命其子周翰監總軍府及訃至輟朝三日冊贈尚書令紹威在鎮凡十七年年三十四薨紹威形貌魁偉有英傑氣攻筆札曉音律性復精悍明敏服膺儒術明達吏理好招延文士聚書萬卷開學館置書樓每歌酒宴會與賓佐賦詩頗有情致

太平廣記引羅紹威傳云當時藩牧之中最獲文章之譽每命幕客作四方書檄小不稱意壞裂抵

棄自擘牋起草下筆成文雖無藻麗之風幕客多所不及江東人羅隱者佐錢鏐軍

幕有詩名于天下紹威遣使賂遺叙南巷之敬隱乃聚其所為詩投寄之紹威酷嗜其作因目已之所為曰偷江東集至今鄴中人士諷詠之紹威嘗有公讌詩云簾前澹泊雲頭日座上蕭騷雨脚風雖深于詩者亦所歎伏紹威子三人長曰廷規位至司農卿尚太祖女安陽公主又尚金華公主早卒次曰周翰繼為魏博節度使通鑑攷異引梁功臣傳云周翰起復雲麾將軍充天雄軍節度留後尋檢校司徒正授魏博節度使亦早卒李曰周敬歷滑州節度使別有傳開平四年夏詔金

華公主出家為尼居于宋州玄靜寺盖太祖推恩于羅

氏令終其婦節也

五代史補云羅鄴王紹威俊邁有詞學尤好戲判常有人向官街中鞦韆

置鞍于地值牛車過急行碾破其鞍驢主怒毆駕車者為廂司所擒紹威更不按問遂判其狀云鄴城大道甚

寬何故駕車碾鞍領鞦韆漢子科決待駕車

漢子喜歡詞雖俳諧理甚切當論者許之

趙犖其先天水人代為忠武牙將曾祖賓祖英奇父叔

文皆歷故職犖幼有奇智齠髻之時與隣里小兒戲于

道左恒分布行列為部伍戰陣之狀自為董帥指顧有

節如夙習焉羣兒皆稟而從之無敢亂其行者其父目

而異之曰吾家千里駒也必大吾門矣及赴鄉校誦讀  
之性出于同輩弱冠有壯節好功名妙于弓劍氣義勇  
果郡守聞之擢為牙校唐會昌中壺關作亂隨父北征  
收天井關未幾從王師征蠻浹月方克惟忠武將士轉  
戰溪洞之間斬獲甚衆本道錄其勲陟為馬步都虞候  
乾符中王僊芝起于曹濮大縱其徒侵掠汝鄭隼乃率  
步騎數千襲之賊黨南奔及黃巢陷長安天子幸蜀中  
原無主人心騷動于是陳州數百人相率告許州連帥

願得犖知軍州事其帥即以狀聞于是天子下詔以犖  
守陳州刺史既視事乃謂將吏曰賊巢之虐徧于四方  
苟不為長安市人所誅則必驅殘黨以東下況與忠武  
久為仇讐凌我土疆勢必然也乃遣增垣墉濬溝洫實  
倉廩積薪芻凡四門之外兩舍之內民有資糧者悉令  
輓入郡中繕甲兵利劍稍弓弩矢石無不畢備又招召  
勁勇寘之麾下以仲弟昶為防遏都指揮使以季弟珣  
為親從都知兵馬使長子麓次子霖皆分領銳兵黃巢

在長安果為王師四面扼束食盡人饑謀東奔之計先遣驍將孟楷擁徒萬人直入項縣犂引兵擊之賊衆大潰斬獲畧盡生擒孟楷中和三年朝廷聞其功就加檢校兵部尚書俄轉右僕射不數月加司空進潁川縣伯巢黨知孟楷為陳所擒大驚憤乃悉衆東來先據潞水後與蔡州秦宗權合勢以攻宛丘陳人懼焉犂恐衆心攜離乃于衆中揚言曰忠武素稱義勇淮陽亦謂勁兵是宜戮力同心捍禦羣寇建功立節去危就安諸君宜



圖之况吾家食陳祿久矣今賊衆圍逼衆寡不均男子當于死中求生又何懼也且死于為國不猶愈于生而為賊之伍耶汝但觀吾之破賊敢有異議者斬之由是衆心靡不踴躍無何開門與賊接戰每戰皆捷賊衆益怒巢于郡北三四里起八僊營如宮闕之狀又修百司廨署儲蓄山峙蔡人濟以甲冑軍無所闕焉凡圍陳三百日大小數百戰雖兵食將盡然人心益固犇因令間道奉羽書乞師于太祖太祖素多犇之勇果乃許之四

年四月太祖引大軍與諸軍會于陳之西北陳人望旗  
鼓出軍縱火急攻巢寨賊衆大潰重圍遂解獻捷于行  
在五年八月除聿為蔡州節度使于時巢黨雖敗宗權  
益熾六七年間屠膾中原陷二十餘郡惟陳去蔡百餘  
里兵少力微日與爭鋒終不能屈文德元年蔡州平朝  
廷議勲以聿檢校司徒充泰寧軍節度使又改授浙西  
節度使不離宛丘兼領二鎮龍紀元年三月又以平巢  
蔡功就加平章事充忠武軍節度使仍以陳州為理所

由是中原塵靜唐帝復歸長安陳許流亡之民襁負歸業準設法招撫人皆感之準兄弟三人時稱雍睦一日念仲弟昶同心王事共立軍功乃下令盡以軍州事付于昶遂上表乞骸後數月寢疾卒于陳州官舍年六十六葬于宛丘縣之先域累贈太尉準雖盡忠唐室保全陳州默默識太祖雄傑每降心託跡為子孫之計故因解園之後以愛子結親又請為太祖立生祠于陳州朝夕拜謁數年之間悉力委輸凡所徵調無不率先故能

保其功名長子麓位至列卿次子霖改名巖尚太祖女  
長樂公主開平初授衛尉卿駙馬都尉二年九月權知  
洺州軍州事俄轉天威軍使十二月授右羽林統軍改  
右衛上將軍充大內皇牆使三年七月出為宿州團練  
使旋移州刺史其後累歷近職連典禁軍預誅庶人友  
珪有功末帝即位用為租庸使守戶部尚書巖以勲戚  
自負貨賂公行天下之賄半入其門又以身尚公主聞  
唐朝駙馬都尉杜棕位極將相以服御飲饌自奉務極

華侈巖恥其不及由是豐其飲膳嘉羞法饌動費萬錢  
餽斂網商其徒如市權勢燠灼人皆阿附及唐莊宗滅  
梁室巖踰垣而逸素與徐州溫韜相善巖往依之既至  
韜斬巖首送京師

昶字大東單仲弟也弱冠習兵機沈默大度神形灑落  
臨事有通變之才及兄準為陳州刺史以昶為防禦都  
指揮使未幾集將孟楷擁衆萬餘據項城縣昶與兄準  
領兵擊破之擒楷以歸不數月集黨悉衆攻陳以報孟

楷之役又蔡冠合從克醜百萬棲于陳郊陳人大恐一夕昶因巡警假寐于閨闔恍惚間如有陰助昶異而待之遲明開門決戰人心兵勢勇不可遏若有陰兵前導是日擒賊將數人斬首千餘級羣寇氣沮其後連日交戰無不應機俘斬未嘗小劬以至重圍數月士心如一及賊敗圍解朝廷紀勲昶一門之中疊加爵秩當時方鎮之內言忠勇者言守禦者言功勲者言政事者皆以昶為首焉及昶遙領泰寧軍節度以昶為本州刺史

檢校右僕射俄而犂有疾遂以軍州盡付于昶詔授兵馬留後旋遷忠武軍節度使亦以陳州為理所時宗權未滅中原方受其毒陳蔡封疆相接昶每選精銳深入蔡境蔡賊雖衆終不能抗以至宗權敗焉朝廷賞勲加檢校司徒昶以大寇削平之後益留心于政事勸課農桑大布恩惠景福元年秋陳許將吏耆老錄其功詣闕以聞天子嘉之命文臣撰德政碑植于通衢以旌其功俄加同平章事昶自圍解之後恒曰梁王之恩不敢忘

也是後太祖每有征伐昶訓練兵甲饋輓供億無有不  
至乾寧二年寢疾薨于鎮年五十三追贈太尉

珣字有節肇季弟也幼而剛毅器宇深沉既冠好書籍  
及壯工騎射尤精三略及肇為陳州刺史以珣為親從  
都知兵馬使時巢黨東出高鄧與蔡賊會衆至百餘萬  
掘長壕五百道攻陳陳人大懼珣與二兄堅心誓衆激  
勵將校約以死節珣以祖先松楸去郭數里慮為羣盜  
穿發乃夜縱心脅之士遷柩入城府庫舊有巨弩數百



枝機牙皆缺工人咸謂不可用珣即創意制度自調弦  
箏置之雉堞間矢激五百餘步凡中人馬皆洞達胛腋  
羣賊畏之不敢逼近自仲秋至于首夏軍食將竭士雖  
不飽而堅拒之志不移會太祖率大軍解其圍珣兄弟  
收泣感謝其後朝廷議功加檢校右僕射遙領處州刺  
史隼薨珣為忠武軍節度使珣遷為行軍司馬檢校司  
空昶薨珣知忠武軍留後珣公幹之才播于遠邇至于  
符籍虛實財穀耗登備閱其根本民之利病無不洞知

庶事簡庶公私俱濟太祖深加慰薦尋加特進檢校司徒充忠武軍節度使陳州土壤卑疎每歲壁壘摧圯工役不暇珣遂營度力用俾以甃周砌四墉自是無霖潦之虞光化二年加檢校太保平章事明年檢校侍中進封天水郡公珣博通前古以陳州本伏羲所都南頓乃光武舊地遂稽考古制崇飾廟貌為四民祈福之所又詢鄧艾故址決翟王河以溉稻梁大實倉廩民獲其利珣兄弟節制陳許繼擁旌鉞共二十餘年陳人愛戴風

化大行天復元年冬韓建為忠武軍節度使乃徵珣知同州匡國軍節度留後時太祖統軍岐下珣輸輓調發旁午道途俄而昭宗還長安詔徵入覲錫迎鑾功臣之號珣因堅辭藩鎮遂加檢校太傅右金吾衛上將軍及扈從東遷歲餘以痼疾免官遂歸淮陽未幾薨于私第年五十五詔贈侍中陳人為之罷市子穀仕至左驍衛大將軍宣徽北院使唐莊宗入汴與從兄巖皆族誅

王珂河中人祖縱鹽州刺史父重榮河東節度使破黃

巢有大功封瑯琊郡王珂本重榮兄重簡之子出繼重榮唐僖宗光啓三年重榮為部將常行儒所害推重榮弟重盈為蒲帥以珂為行軍司馬及重盈卒軍府推珂為留後時重盈子珙為陝州節度使瑤為絳州刺史由是爭為蒲帥瑤珙連上章論列又與太祖書云珂非吾兄弟蓋余家之蒼頭也小字忠兒安得繼嗣珂亦上章云亡父有興復之功又遣使求援于太原李克用為保薦于朝昭宗可之既而珙厚結王行瑜李茂貞韓建為

援三鎮互相表薦昭宗詔諭之曰吾以太原與重榮有再造之功已俞其奏矣乾寧二年五月三鎮率兵入覲賊害時政請以河中授瑒瑒又連兵以攻河中克用聞之出師以討三鎮瑒瑒兵退晉師拔絳州擒瑒斬之及克用駐軍于渭北昭宗以瑒為河中節度使正授莒鉞克用因以女妻瑒瑒至太原謝婚成禮克用令李嗣昭將兵助瑒攻瑒于陝焉光化末太祖謂張存敬曰瑒恃太原之勢侮慢隣封爾為我持一繩以縛之天復元年

春存敬兵下晉絳令何綢守晉州以阨太原援師二月  
大軍逼河中珂妻書告太原曰敵勢攻逼朝夕為俘囚  
乞食于大梁矣大人安忍不救克用曰前途既阻衆寡  
不敵救則與爾兩亡可與王郎歸朝廷珂復求救于李  
茂貞茂貞不答珂勢窮蹙即登城謂存敬曰吾與汴王  
有家世事分公宜退舍俟汴王至吾自聽命存敬即日  
退舍三月太祖自洛陽至先哭于重榮之墓蒲人聞之  
感悅珂欲面縛牽羊以見太祖曰太師阿舅之恩何時

可忘即君若以亡國之禮相見黃泉其謂我何

歐陽史  
云渠太

祖自同州降唐即依重榮  
以母王氏故事重榮為舅

及珂出迎于路握手歡歃聯

轡而入乃以居敬守河中珂舉家徙于汴後入覲被殺  
于華州傳舍

珙少有俊氣才兼文武性甚驕虐屬世多故遂代伯父  
重霸為陝州節度使為政苛暴且多猜忌殘忍好殺不  
以生命為意內至妻孥宗屬外則賓幕將吏一言不合  
則五毒將施鞭笞劓斷無日無之奢縱聚斂民不堪命

由是左右惕懼憂在不測唐光化二年夏六月為部將李璠所殺璠自稱留後因是陝州不復為王氏所有

史臣田紹威始為唐雄據魏地當土德之季運倡梁祖以強禪在梁則為佐命也在唐則豈得為忠臣乎趙犖以淮揚咫尺之地抗黃巢百萬之衆功成事立有足多者巖穀非賢遽泯其嗣惜哉王珂奕世山河勢危被擄乃魏豹之徒與



舊五代史卷十四

舊五代史卷十四攷證

梁列傳四羅紹威傳其後弘信封臨清王 案舊唐書

弘信先封豫章郡公進封北平王與是書異

自田氏以後垂二百年 案吳縝歐陽史纂誤云魏博  
自田承嗣專據至羅紹威時共一百五十餘年歐陽  
史作二百年誤蓋歐陽史仍是書之誤也

太祖自內黃馳至鄴 至鄴原本作至葉據歐陽史改

正

歲漕百萬石以給宿衛太祖深然之 案通鑑攷異引

梁功臣傳云紹威馳簡獻替意互合者十得五六太祖嘆曰竭忠力一人而已又引莊宗實錄曰紹威陰有覆溫之志而賂溫益厚溫怪其曲事慮蓄奸謀而莫之察乃賜紹威妓妾數人未半歲召還以此得其陰事其紀載互異如此竊謂紹威有謀慮得梁王信任宜也然以梁主雄險而紹威又因盡誅牙軍有自弱之悔則此時猜忌諒亦有之未可偏廢其說

趙俾傳父叔文 案叔文原本訛叔义今據新唐書改

正

王僊芝起于曹濮 僊芝原本作僊訖今據新舊唐書

改正

文德元年 文德原本作大德今改正

充大內皇牆使 皇牆原本作皇城考五代會要梁時

避諱改皇城使為皇牆使今改正

趙昶傳假寐于閭闔 閭闔原本作閭閭今改正

時宗權未滅 案上篇趙犖傳云蔡州平以犖為忠武  
軍節度使据此傳則昶為忠武節度使宗權二傳互  
異

趙珣傳珣犖季弟也 案新唐書以珣為犖子是書及  
歐陽史通鑑皆以珣為犖弟新唐書應訛

王珂傳小字忠兒 忠兒舊唐書作蟲兒

令何紉守晉州 何紉原本作何緯今據通鑑改正

舊五代史卷十四攷證

欽定四庫全書

史部

舊五代史卷十八

詳校官編修<sub>臣</sub>黃壽齡

洗馬<sub>臣</sub>王坦修覆勘

總校官編修<sub>臣</sub>朱 鈐

校對官助教<sub>臣</sub>李 巖

謄錄監生<sub>臣</sub>謝 雲

欽定四庫全書

五代史卷十五

宋門下侍郎參知政事監修國史薛居正等撰

梁書卷十五

列傳五

韓建字佐時許州長社人父叔豐世為牙校初秦宗權之據蔡州格合亡命建隸為軍士累轉至小校唐中和初忠武監軍楊復光起兵于蔡宗權遣其將鹿晏弘赴

之建與里人王建俱隸晏弘軍入援京師賊平復光暴卒時僖宗在蜀晏弘率所部赴行在路出南山因攻剽郡邑據有興元晏弘自為留後以建為蜀郡刺史唐軍容使田令孜密遣人誘建啗以厚利建時懼為晏弘所併乃率所部歸行在令孜補為神策都校金吾將軍出為潼關防禦使兼華州刺史河潼經大寇之後戶口流散建披荆棘開污萊勸課農事樹植蔬果出入閭里親問疾苦不數年流亡畢復軍民充實建比不知書治郡



之暇日課學習遣人於器皿牀榻之上各題其名建視之既熟乃漸通文字俄遷華商節度潼關守捉等使累加檢校太尉平章事乾寧二年建與鳳翔李茂貞邠州王行瑜舉兵赴闕迫昭宗請以王珙為河中帥害大臣于都下河中王珂召晉軍以為援及晉軍渡河昭宗幸石門三年四月昭宗遣延王通王率禁兵討李茂貞為茂貞所敗車駕幸渭橋翼日次富平將幸河中建奉表迎駕俄自至渭北懇乞東幸許之七月十五日昭宗至

華下百官士庶相繼而至建尋加兼中書令充京畿安撫制置等使又兼京兆尹京城把截使昭宗久在華州思還宮掖每花朝月夕遊宴西谿與羣臣屬詠歌詩獻歎流涕建每從容奏曰臣為陛下修營大內結信諸侯一二年間必期興復乃以建兼領修創京城使建自華督役輦運工作復治大明宮四年二月有詣建告睦王已下八王謀殺建建囚八王於別宅放散隨駕殿後軍二萬人殺捧日都頭李筠自是天子益微宿衛之士盡

矣八月建以兵圍十六宅通王已下十一王並遇害于石堤谷以謀逆聞又害太子詹事馬道殷將作監許巖士貶宰相朱朴皆昭宗寵昵者也建尋兼同州節度使光化元年升華州為興德府以建為尹八月車駕還京九月冊拜太傅進封許國公并賜鐵券天復元年十一月宦官韓全誨迫天子幸鳳翔建亦預其謀太祖聞知自河中引軍而西前鋒至同州建判官司馬鄴以城降遂移軍迫華州建懼乞降太祖責以脅君之罪建拜伏

稱從事李巨川之謀也太祖即誅巨川

北夢瑣言韓建曰某不識字凡

朝廷章奏鄰封書檄皆巨川為之因斬之又斬唐書李巨川傳云巨川詣軍門納款因言當世利害全忠屬官敬翔以文翰事左右疑巨川用則全忠待已或衰乃詭說曰巨川誠奇才顧不利主人若何是日全忠殺之

太祖與建素有軍中昆弟之契及見其怒驟息尋表建

為許州節度使昭宗東遷以建為祐國軍節度使京兆

尹車駕至陝召太祖與建侍宴宮妓奏樂何皇后舉觴

以賜太祖建躡足太祖遽起曰臣醉不任偽若顛仆即

去建私謂太祖曰上與宮人附耳而語幕下有兵仗聲

恐圖王爾天祐三年改青州節度使及受禪徵為司

平章事充諸道鹽鐵轉運使開平二年加侍中充建昌

宮使三年郊祀於洛以建為大禮使建為上宰每謁見

時有直言太祖為性剛嚴羣下將迎不暇待建稍異故

優容之九月冊拜太保罷知政事

五代會要開平三年十月詔曰太保韓建

每月旦十五日入閣稱賀即令赴朝參餘時弗入見示優禮也

四年三月除匡國軍節

度使陳許蔡觀使仍令中書不議除替

五代會要乾化元年正月敕云

許昌雄鎮太保韓建朕用以布政民耕盜止久居其位庶可勝殘矣宜令中書門下不計年月勿議替

乾化二年六月朝廷新有內難人心動搖部將張厚因作亂害建於衙署時年五十八子從訓昭宗在華時授太子侍學賜名文禮尋拜屯田員外郎國初為都官郎中賜紫年未弱冠時朝廷命從訓告國哀於陳許至二日軍亂與建併命乾化三年追贈太師

李罕之陳州項城人父文世田家罕之拳勇趨捷力兼數人少學為儒不成又落髮為僧以其無賴所至不容曾乞食於酸棗縣自旦至晡無與之者乃擲鉢於地毀

棄僧衣亡命為盜會黃巢起曹濮罕之因合徒作剽漸  
至魁首及賊巢渡江罕之因以兵將背賊歸於唐高駢  
錄其功表為光州刺史歲餘為蔡賊秦宗權寇迫不能  
守乃棄郡歸項城收合餘衆依河陽諸葛爽爽署為懷州  
刺史光啟初僖宗以爽為東南面招討以擊宗權爽乃  
表罕之為副令將兵屯宋州蔡寇剋滅日熾兵鋒不敵  
中和四年爽表罕之為河南尹東郡留守是歲李克用  
脫上源之難歛軍西歸路由洛陽罕之迎謁供帳館待

甚優因與克用厚相結託時罕之有衆三千以聖善寺  
為府光政元年蔡賊秦宗權遣將孫儒來攻罕之對壘  
數月以兵少備竭委城而遁西保於澠池蔡賊據京城  
月餘焚燒宮闕剽剥居民賊既退去鞠為灰燼寂無雞  
犬之音罕之復引其衆築壘於市西明年冬諸葛爽死  
其將劉經推爽子仲方為帥經懼罕之難制自引兵鎮  
洛陽罕之部曲有李塘郭璆者情不相叶欲相圖害罕  
之怒誅璆軍情由是不睦劉經因其有間掩擊罕之于



澠池軍亂保乾壕經急攻之為罕之所敗罕之乘勝追至洛陽時經保敬愛寺罕之保苑中飛龍庇罕之激勵其衆攻敬愛寺數日因風縱火盡焰之經衆奔竄追斬殆盡罕之進逼河陽營於鞏縣陳舟於汜水將渡諸葛仲方遣將張言率師拒於河上時仲方年幼政在劉經諸將心多不附張言密與罕之修好經知其謀言懼引衆渡河歸罕之因合勢攻河陽為經所敗罕之與言退保懷州冬蔡將孫儒陷河陽仲方汎輕舟來奔孫儒遂

自稱節度使俄而蔡賊為我軍所敗孫儒棄河陽歸蔡  
罕之與言收合其眾求援於太原李克用遣澤州刺史  
安金俊率騎助之遂收河陽克用表罕之為節度同平  
章事又表言為河南尹東都留守罕之既與言患難交  
契刻臂為盟永同休戚如張耳陳餘之義也罕之雖有  
膽決雄猜翻覆而撫民御眾無方略率多苛暴性復貪  
冒不得士心既得河陽出兵攻晉絳時大亂之後野無  
耕稼罕之部下以俘剽為資啖人作食絳州刺史王友

遇以城降罕之乃進攻晉州河中王重盈遣使求援于  
太祖時張言治軍有法善積聚勤于播植軍儲不乏言  
輸粟于罕之以給其軍罕之求索無限言頗苦之力不  
能應罕之則錄河南府吏笞責之東諸侯修貢行在多  
為罕之邀留王重盈苦其侵削密結張言請圖之文德  
元年春會罕之盡出其衆攻平陽言夜出師掩擊河陽  
罕之無備單步僅免舉族為言所俘罕之奔於太原李  
克用表為澤州刺史仍領河陽節度使三月克用遣其

將李存孝率師三萬助之來攻懷孟城中食盡備豫皆竭張言遣其孥入質且求救於太祖太祖遣葛從周牛存節赴之逆戰於流河店會晉將安休休以一軍奔於蔡存孝引軍而退罕之保於澤州自是罕之以兵寇鈔懷孟晉絳數百里內郡邑無長吏間里無居民河內百姓相結屯寨或出樵汲即為俘馘雖奇峯絕磴梯危架險亦為罕之部衆攻取先是蒲絳之間有山曰摩雲邑人立棚於上以避寇亂罕之以百餘人攻下之軍中

因號罕之為李摩雲自是數州之民屠啖殆盡荆棘蔽  
野烟火斷絕凡十餘年乾寧二年李克用出師以拒邠  
鳳營於渭北天子以克用為邠州行營四面都統克用  
乃表罕之為副及誅王行瑜罕之以功授檢校太尉食  
邑千戶罕之自以功多私謂晉將蓋寓曰余自河陽失  
守來依巨廕歲月滋久功效未施比年以來倦於師旅  
所謂老夫耄矣無能為也望吾王仁愍太傅哀憐與一  
小鎮休兵養疾一二年間即歸老菟裘幸也寓為言之

克用不對每藩鎮缺帥議所不及罕之私心鬱鬱蓋寓  
懼其佗圖亟為論之克用曰吾於罕之豈惜一鎮吾有  
罕之亦如董卓之有呂布雄則雄矣鷹鳥之性飽則颺  
去實懼翻覆毒余也光化元年十二月晉之潞帥薛志  
勤卒罕之乘其喪自澤州率衆徑入潞州自稱留後以  
狀聞於克用曰聞志勤之喪新帥未至慮為佗盜所窺  
不俟命已屯於潞矣克用怒遣李昭嗣討之罕之執其  
守將馬溉伊鐸何萬友沁州刺史傅瑤等遣其子顯拘

送於太祖以求援焉

新唐書全忠表罕之昭義軍節度使

會罕之暴病不

能視事明年六月病篤太祖令丁會代之移罕之為河陽節度使行至懷州卒於傳舍時年五十八歲子顥以舟載柩歸葬河陰縣開年二年春詔贈中書令

馮行襲字正臣武當人也歷職為本郡都校中和中僖宗在蜀有賊首孫喜者聚徒數十人欲入武當刺史呂曄惶駭無策畧行襲伏勇士於江南乘小舟逆喜謂喜曰郡人得良牧衆心歸矣但緣兵多民懼擄掠若駐軍

江北領肘腋以赴之使某前導以慰安士民可立定也  
喜然之既渡江軍吏迎謁伏甲奮起行襲擊喜仆地伏  
劍斬之其黨盡殪賊衆在江北者悉奔潰山南節度使  
劉巨容以功上言尋授均州刺史州西有長山當襄漢  
蜀路羣賊屯據以邀刦貢奉行襲又破之洋州節度使  
葛佐奏辟為行軍司馬請將兵鎮谷口通秦蜀道由是  
益知名李茂貞遣養子繼臻竊據金州行襲攻下之因  
授金州防禦使時興元楊守亮將襲京師道出金商行



襲逆擊大破之詔升金州為節鎮以戎昭軍為額即以  
行襲為節度使及太祖義旗西征行襲遣副使魯崇矩  
稟受制令會唐昭宗幸鳳翔太祖帥師奉迎久之未出  
中尉韓全誨遣中官郗文晏等二十餘人分命矯詔欲  
徵江淮兵屯於金州以負太祖之軍行襲定策盡殺之  
收其詔勅送於太祖天祐元年兼領洋州節度使太祖  
之伐荆襄行襲令其子勗以舟師會於均房預收復功  
遷匡國軍節度使到任誅大吏張澄暴其罪州人莫不

惴懾在許三年上供外別進助軍羨糧二十萬石及太祖郊種行襲請入覲貢獻巨萬恩禮殊厚尋詔翰林學士杜曉撰德政碑以賜之累官至兼中書令冊拜司空開平中卒輟朝一日贈太傅諡曰忠敬行襲性嚴烈為政深刻然所至有天幸境內嘗大蝗尋有羣鳥啄食不為害民或艱食必有糴穀出於隴畝雖威福在已而恒竭力以奉於王室故能保其功名行襲魁岸雄壯面有青誌當時目為馮青面長子最歷蘄沁二州刺史次子

德晏仕至金吾將軍

孫德昭鹽州五原縣人世為州校父惟最有功於唐朝

遙領荆南節度分判右神策軍事德昭藉父蔭累職為

右神策軍都指揮使光化三年唐昭宗為閹官所廢矯

立德王時中外以權在禁閹莫能致討近藩朋附章表

繼有至者丞相崔胤外與太祖申結輔佐之好內遣心

腹密講忠義有以事喻德昭者

通鑑德昭常憤慨不平崔胤聞之遣判官石戩

與之遊德昭每酒酣必泣戩知其誠乃密以胤意說之

德昭感慨乃與本軍孫承

誨董從實二人奮發應命誓圖反正崔又割衣手筆以通其志天復元年正月一日未旦逆豎左軍容劉季述早入德昭伏甲要路以俟追其前驅邀而斬之孫承誨等分捕右軍容王仲先黨伍唐昭宗方幽尋東內聞外喧大恐德昭馳至扣閤曰逆賊劉季述伏誅矣請上皇開鑰復皇帝位皇后何氏呼曰汝可進逆人首門乃可開俄而承誨從實俱以馘獻昭宗悲而嘉之於是丞相崔胤奉迎御丹鳳樓率百辟待罪泣且奏曰臣居大位不

能討姦賴東平王全忠首奮忠貞誅殺邸吏遂致德昭  
等擒戮妖逆再清禁闈即日議功以德昭為檢校太保  
靜海軍節度使承誨邕州節度使從實容州節度使並  
同平章事錫姓李賜號扶傾濟難忠烈功臣圖形凌烟  
閣俱留京師錫賚宴賞之厚恩寵權倖之勢近代罕比  
其年十一月閹宦韓全誨縱火質昭宗西幸鳳翔承誨  
從實並變節為中官所誘始欲驅擁百寮將圖出令而  
德昭獨按兵與太祖親吏婁敬思叶力衛丞相文武

百官與長安吏民保於街東免為所劫太祖遣從事相繼勞問遺以龍鳳劍關鷄紗委令制輯於是百官次華州連狀請太祖迎奉及大旆入關德昭以軍禮上謁立道左太祖命左右扶騎控至長安賜與甚厚署權知同州節度留後將赴任復徇民請留充兩街制置使賜錢百萬德昭以本部兵八千人獻於太祖由是愈見賞重又賜甲第一區俾先還洛陽及昭宗東遷奏授左威衛上將軍以病免歸於別墅太祖受禪以左領衛上將軍

徵赴闕開平四年拜左金吾大將軍充街使末帝即位  
俾將命於兩浙對見失儀不果行尋改授右武衛上將  
軍俄復左金吾大將軍卒於官詔贈太傅輟視朝一日  
天復初德昭與孫承誨董從實以返正功時人呼為三  
使相恩澤俱冠世及承誨至鳳翔易名繼誨從實改名  
彥弼皆為李茂貞所養後閹官之敗俱戮於京師惟德  
昭克全終始有所稱云

趙克裕河陽人也祖父皆為軍吏克裕少為牙將好讀

書謹儀範牧伯皆竒待之累居右職擢為虎牢關使光  
啓中蔡寇陷河陽克裕率所部歸於太祖隸於宣義軍  
太祖東征徐鄆克裕屢受指顧無不如意數年之內繼  
領毫鄭二州刺史時關東藩鎮方為蔡寇所毒黎元流  
散不能相保克裕妙有農戰之備復善於綏懷民賴而  
獲安者衆太祖表為河陽節度使檢校右僕射尋移理  
許田入為金吾衛大將軍檢校司空及太祖為元帥以  
克裕為元帥府左都押衙復統六軍克州平命權知泰



寧軍留後數月暴疾而卒開平初追贈太保

張慎思清河人自黃巢軍來歸累授軍職歷諸軍都指揮使從平巢蔡兗鄆皆著功表授檢校工部尚書兼宋川長史光化中加檢校右僕射權知亳州天復三年昭宗還長安以從太祖迎駕功賜號迎鑒毅勇功臣尋除汝州防禦使天祐元年授左龍武統軍其冬除許州匡國軍節度使明年十一月權知徐州武寧軍兩使留後太祖受禪入為左金吾大將軍開平二年除宋州刺史

未幾復拜左金吾大將軍開平冬除蔡州刺史以貪貨  
大失民情詔追赴闕未幾扈從北征還以疾卧洛陽之  
私第馭家不肅為其子所弑

史臣曰韓建過唐朝之衰運據潼關之要地不能藩屏  
王室翻務斷喪宗枝雖有阜俗之能何補不臣之咎罕之  
負驍雄之氣蓄嚮背之謀武皇比之呂布斯知人矣行  
襲勵納忠之節德昭立反正之功俱善其終固其宜矣  
克裕而下無譏可也



舊五代史卷十五

舊五代史卷十五攷證

梁列傳五韓建傳又害太子詹事馬道殷將作監許巖  
士 案新唐書昭宗紀正月乙酉韓建殺扈蹕都將  
李筠二月殺太子詹事馬道殷將作監許巖士八月  
殺通王滋沂王湮韶王彭王嗣韓王嗣陳王嗣覃王  
嗣周王嗣延王戒丕嗣丹王允通鑑與新唐書同是  
書以殺李筠二月事以殺馬道殷許巖士為八月事  
蓋本于舊唐書昭宗紀

李罕之傳伊鐸 案歐陽史作伊鐸

遣其子顥 案歐陽史作遣子頤

馮行襲傳尋授均州刺史 案新唐書本紀光啓元年  
四月武當賊馮行襲陷均州逐其刺史呂曄蓋行襲  
既殪孫喜遂自據其郡也是書作中和間事與唐書  
異歐陽史仍從是書

孫德昭傳父惟最有功於唐朝 案惟最歐陽史作惟  
勗攷新唐書亦作惟最今仍其舊

乃與本軍孫承誨董從實二人 案孫承誨董從實新  
舊唐書並作周承誨董彥弼攷承誨姓周與孫未知  
孰是從實改名彥弼見本傳後文與是書同

趙克裕傳尋移理許田 案克裕移理許田是書未明  
言其故新唐書云紀朱全忠陷孟州逐河陽節度使  
趙克裕据通鑑則克裕移鎮因梁祖欲以張全義領  
河陽也新唐書所紀疑非事實

舊五代史卷十五攷證